

**A** Anglicana, Nicolaum episcopum Bathoniensem, Robertū episcopum Saresbiriensem, Ioānem episcopum Lichfeldensem, Thomam abbatem sanctæ Mariæ extramuros Eboracenses, ordinis sancti Benedicti. Pro natione Germanica, Ioannem archiepiscopum Rigensem, Ioannem episcopum Lutomuslensem, Petrum episcopum Ripensem, Andrea electū Polznaniensem. oēs cōstituat, uel saltem de qualibet natione duos,

¶ Concilium deputat legatos ad requirendum papam super procuratorio faciendo.

Item deputat dictā sancta synodus, ac cōstituit, & ordinat ex parte huius sacri concilij suos legatos infrascriptos. De dominis cardinalibus, reuerendum patrē dominum tituli sancti Marci, & Florentinum cardinales. Pro natione Gallicana, Theobaldum episcopum Carcassonensem, Ioannem Datani in theologia, Iacobum de Spars in medicina magistrōs. Pro natione Italica, episcopum Feltrē. abbatem sanctæ Mariæ de Florentia. Pro natione Germanica, Conradum abbatem Pinganiensem, Lambertum de Stipite decretorum doctores, ordinis sancti Benedicti. Pro natione Anglicana, Thomam Poltensem protonotarium sedis apostolicæ, Bernardum de Planhea decretorū doctorem, ordinis sancti Benedicti, ad dictum dominū Ioannem papam xxij, ad petendum & requirendum ex parte dicti concilij, quod constituat procuratores ad resignandum papatū, infra duos dies postquam fuerit requisitus, & procuratorium ad dictam renunciationem faciat, & expediat pro bono unionis & pacis ecclesiæ, sub data forma & sub bulla.

al, dicta

¶ Quod prælati prædicti requirant papam, quod ueniat ad concilium.

Item decernit & ordinat, quod dicti legati ipsū Ioannem papam exhortentur & requirant ex parte sacri dicti concilij, ut ueniat ad hanc ciuitatem Constantiensem. siue ad uillam Vlmæ, aut ad uillam Rauenspurg, uel ad ciuitatem Basileensem, ad tractandum & perficiendum per eum, quantum in eo, omnia & singula quæ expedire uidentur pro unione & reformatione ecclesiæ, per hoc sacrum concilium deliberata & deliberanda.

¶ Quod dicti legati portent papæ securitates debitas.

Item quod dicti legati securitates debitas ex parte huius sacri concilij & serenissimi principis domini regis Romanorū, ipsi domino Ioanni papæ portent, & cū effectū realiter illi offerant atque tradant, casu quo iuxta præmissa ad alterum de dictis locis cum effectu accedat.

**C** Item quod dictus dominus Ioannes papa promittat, & iuret unum de prædictis locis eligere infra duos dies, post requisitionem super hoc eidem faciendam computados, & infra decem dies à tempore dictæ requisitionis, ad dictum locum per eum eligendum accedere, & abinde non discedere sine consensu dicti concilij, uel quousq; præmissa fuerint cum effectu adimpleta. Et in casu quo oppositum faceret, recedendo sine consensu dicti concilij, uel præmissa non adimplendo, extunc prout exnunc consentiat per bullam haberi pro non papa, &c. cum clausulis opportunis. Et si non consentiat, tunc propter hæc & multa alia procedatur contra eum, tanquam contra notorium fautorem huius schismatis, & suspectum hæreticæ prauitatis, ut fuerit iuris & rationis.

¶ Quod superfedeatur à processu contra papam, donec habeatur rēsisio.

Item quod pendētibz istis, superfedeatur de citatione & processu contra eum faciēdo, donec super præmissis habeatur eius responsio, dummodo saluus conductus ducis Austriæ in forma petita infra horā sessiōis dici crastinæ, quæ erit Iouis XVIII. presentis mensis Aprilis, pro dictis legatis & cardinalibus mittendus habeatur. Et si non habeatur infra dictum terminum, decernatur citatorium per edictum, & aliā procedatur contra dictum dominum Ioannem papam, ut fuerit rationis.